

四庫全書

子部

欽定四庫全書

子部  
外臺秘要方卷四

詳校官太醫院吏目臣宋桂

編修臣倉聖脈覆勘

總校官進士臣繆琪

校對官中書臣李斯咏

謄錄監生臣朱坦

欽定四庫全書

外臺秘要方卷四

溫病論病源二首

唐 王燾 撰

病源經言春氣溫和夏氣暑熱秋氣清涼冬氣冰寒此則四時正氣之序也冬時嚴寒萬類深藏君子固密則不傷於寒觸冒之者乃為傷寒耳其傷於四時之氣皆能為病以傷寒為毒者以其最為殺厲之氣中而即病

者名為傷寒不即病者其寒毒藏於肌膚中至春變為  
溫病至夏變為暑病暑病者熱極又重於溫也是以辛  
苦之人春夏多溫熱病者皆由冬時觸冒寒氣之所致  
以上與傷寒論同

凡病傷寒而成溫病者先夏至日者為病溫後夏至日  
者為病暑故曰冬三月早卧晚起必待日光使志若伏  
若匿若有私意若已有得去寒就溫無泄皮膚使氣亟  
奪又因於寒欲如運樞故冬傷於寒春必病溫也又有

冬時傷非節之暖名為冬溫之毒與傷寒大異也有病  
溫者乃天行之病耳其冬月溫暖之時人感乖候之氣  
未遂發病至春或被積寒所折毒氣不得泄至天氣暄  
熱溫毒始發則肌肉斑爛也經曰虛邪賊風避之有時  
恬淡虛無真氣從之精神內守病安從來故曰人清淨  
則肉腠閉拒雖有大風苛毒弗之能害又云四時陰陽  
者萬物之根本也是以聖人春夏養陽秋冬養陰以從  
其根也從陰陽則生逆之則死故曰精者身之本藏於

精者春不病溫也有病溫汗出輒復熱而脈躁疾不為汗衰狂言不能食病名為何曰病名陰陽交交者死人所以汗出者皆生於穀穀生於精今邪氣交爭於骨肉之間而得汗者是邪却而精勝也精勝則當能食而不復熱熱者邪氣也汗者精氣也今汗出而輒復熱者是邪勝也不能食者精無裨也病而留者其壽可立而傾也汗出而脈尚躁盛者死今脈不與汗相應此不勝其病也其死明矣狂言者是失志失志者死今見三死不

見一生雖愈必死凡膚熱其脉盛躁者病温也其脉盛而滑者汗且出也凡温病人三二日身軀熱脉疾頭痛食飲如故脉直疾八日死四五日頭痛脉疾喜吐脉來細十二日死此病不療八九日脉不疾身不痛目不赤色不變而反利脉來牒牒按不彈手指時大心下硬十七日死病三四日以下不得汗脉大疾者生脉細小難得者死不治也下利腹中痛者死不治

辟温方二十首

肘後屠蘇酒辟疫氣令人不染溫病及傷寒歲旦飲之

方

大黃

桂心

各五銖

白朮

十銖

桔梗

十銖

菝葜

蜀椒

十銖

防風

烏頭

各陸銖

右八味切絳袋盛以十二月晦日中懸沉井中令至

泥正月朔旦平曉出藥至酒中煎數沸於東向戶中

飲之屠蘇之飲先從小起多少自在一人飲一家無

疫一家飲一里無疫飲藥酒待三朝還滓置井中能



仍歲飲可世無病當家內外有井皆悉著藥辟温氣也

又太乙流金散辟温氣

雄黃 三兩 雌黃 六兩 礬石 一兩半 鬼箭羽 一兩半 羚羊

角 燒二兩

右五味治下節三角絳袋盛一兩帶心前并掛門戶上若逢大疫之年以月旦青布裹一刀圭中庭燒之温病人亦燒熏之

又雄黃散辟溫氣方

雄黃 五兩

朱砂 一作赤木

菖蒲

鬼臼

各二兩

右四味搗篩末以塗五心額上鼻人中及耳門

又斷溫疫轉相染著至滅門延及外人無收視者方

赤小豆

鬼箭羽

鬼臼

雄黃

各三兩

右四味搗末以蜜和丸如小豆大服一丸可與病人

同床

又辟溫粉

川芎 蒼朮 白芷 藁本 零陵香各等分

右五味搗篩為散和米粉粉身若欲多時加藥增粉

用之 出第十卷中

千金辟溫虎頭殺鬼丸方

虎頭骨灸五兩 朱砂半一兩 鬼臼 一兩 雄黃半一兩 皂莢

灸一兩 雌黃半一兩 蕪荑 一兩

右七味搗篩以臘蜜和如彈丸大絳囊盛繫臂男左女右家中置屋四角朔望夜半中庭燒一丸忌生

血物 肘後同

又治瘴氣竹茹湯方

青竹茹 二升

右一味以水四升煮取三升分三服

又辟溫病粉身散方

芎藭 白芷 藁本

右三味等分搗下篩內米粉中以粉塗身 延年同

又斷溫疫朱蜜丸方

白蜜和上等米砂粉一兩常以太歲日平旦大小  
勿食向東方立人吞三七丸如麻子大勿令齒近  
之并吞赤小豆七枚投井泉水中終身勿忘此法  
又治溫病不相染方

正旦吞麻子赤小豆各二七枚又以二七枚投井  
中時後延年同

又方

新布盛大豆一升內井中一宿出服七枚肘後用  
小豆

又方

切松葉如粟米酒服方寸匕日三服辟五年温

又方

常以七月七日合家含赤小豆向日吞二七枚

又方

常以七月七日男吞大豆七枚女吞小豆七枚

又方

神仙教人立春後有庚子日温蕪菁菹汁合家大

小並服不限多少

又療溫氣蒜豉湯方

蒜五十子并皮研之豉心一升

右二味以三歲小兒小便二升合煮五六沸頓服出並

第九卷中

千金翼老君神明白散方

白朮二兩 桔梗一兩 細辛一兩 附子二兩  
烏頭兩

去黑皮

右五味搗篩絳囊盛帶之所居閭里皆無病若有得  
疫癘者溫酒服一方寸匕覆取汗得吐則差若經三  
四日者以三方寸匕內五升水中煮令大沸分三服  
又度瘴散方

麻黃去節升麻

附子炮

白朮

各一兩

細辛

防己

乾薑

桂心

防風

烏頭

炮

蜀椒

出汗去目

桔梗

各二分

右十二味搗篩為末蜜封貯之山中所在有瘴氣之



處旦空腹服一錢七覆取汗病重稍加之

並出第十卷中

古今錄驗許季山所撰干敷散主辟溫疫疾惡令不相

染著氣方

肘後作數干抱朴子作數干

附子

一枚

細辛

一分

乾薑

一分

麻子

一分

栢實

一分

右五味搗篩為散正旦舉家以井華水各服方寸匕

服藥一日十年不病二日二十年不病三日三十年

不病受師法但應三日服歲多病三日一服之

肘後胡洽

延年范汪刪繁同出第二卷中

又殺鬼丸去惡毒方

雄黃

五兩研

朱砂

五兩研

鬼臼

五兩

鬼督郵

五兩

雌黃

五兩研

馬兜鈴

五兩

皂莢

五兩炙

虎骨

五兩炙

阿魏

五兩

甲香

一兩

羚羊角

一兩屑

桃白皮

五兩

白膠香

一兩

菖蒲

五兩

殺羊角

一兩屑

臘蜜

八斤鍊

石硫黃

五兩研

兩

右十七味擣篩十六味臘蜜和之丸如杏子將往辟

溫處燒之殺鬼去惡毒氣若大疫家可燒并帶行與

治方七味不同出第三卷中

延年秘錄辟溫方

正旦取東行桑根大如指長七寸以丹塗之懸著

門戶上又令人帶之

出第十卷中

辟溫不相染方二首

病源此病皆因歲時不和溫涼失節人感乖候之氣而  
生病則病氣轉相染易乃至滅門延及外人故須預服  
藥及為法術以防之

出第十卷中

千金斷溫疫主溫病轉相染著乃至滅門延及外人無

收視者赤小豆丸方

赤小豆

二兩

鬼臼

二兩

鬼箭

二兩

丹砂

二兩  
研

雄黃

二兩  
研

右五味末之以蜜和如小豆大服一丸可與病人同

床傳衣也

出第九卷中

延年主辟溫疫疾惡氣令不相染易鼓湯方

豆豉

一升

伏龍肝

三兩  
研

小兒小便

三升

右三味用小便煎取一升五合去滓平旦服之令人

不著瘴疫天行有瘴之處宜朝朝服 出第十卷中

### 溫病噦方四首

病源伏熱在胃令人胸滿胸滿則氣逆氣逆則噦若大下後胃中虛冷亦令致噦也 並出第十卷中

小品茅根湯療溫病有熱飲水暴冷噦者方

茅根 葛根 各切半升

右二味以水四升煮取二升稍溫飲之哕止則停

又療溫病熱未除重被暴寒寒毒入胃熱蘊結不散變

哕者方

單煮梓皮稍稍飲之佳溫病積飲冷冷結胃中熱入腎中變壯熱大哕者服梓皮溫哕得止也夫腎中有熱者病差後足心皮喜剝脫去頭髮禿落是其證也

又茅根橘皮湯療春夏天行傷寒溫病干胃冷變哕方

白茅根升切一橘皮三兩桂心二兩葛根二兩

右四味切以水六升煮取三升分溫服三合數連服

之盡復合碗止乃停耳微有熱減桂一兩文仲古今錄驗同出

第六卷中

古今錄驗療溫病有熱飲水暴冷碗枇杷葉飲子方

枇杷葉

拭去毛

茅根

各半升

右二味切以水四升煮取二升稍稍飲之碗止則停出第三卷中

溫病渴方二首

病源熱氣入腎藏腎藏惡燥熱氣盛則腎燥腎燥則渴

引飲也

出第十卷中

深師療溫毒病及吐下後有餘熱渴芍藥湯神方

芍藥

五分

黃連

四分

甘草

二分

黃芩

二兩

桂心

二

兩  
栝樓二分

右六味切以水五升煮取三升分三服一日令盡

出第

十四卷中

古今錄驗知母解肌湯療溫熱病頭痛骨肉煩疼口燥  
心悶者或是夏月天行毒外寒內熱者或已下之餘熱



未盡者或熱病自得痢有虛熱煩渴者方

麻黃

二兩  
去節

知母

三兩

葛根

三兩

石膏

三兩

甘草

二兩

炙

右五味切以水七升煮取三升分為三服若已下及

自得下虛熱未歇者除麻黃加知母葛根病熱未除

因夢泄者可除麻黃加白薇人參各二兩則止

小品  
同出

第二卷中

溫病發斑方七首

病源夫人冬月觸冒寒毒者至春始發病病初在表或已發汗吐下而表證未罷毒氣不散故發斑瘡又冬月天時溫暖人感乖候之氣未即發病至春又被積寒所折毒氣不得泄至夏遇熱其春寒解冬溫毒始發出於肌膚斑爛隱癍如錦文也 出第十卷中

肘後療溫毒發斑大疫難救黑膏方

生地黃 半斤  
好豉 一升

右二味以猪膏二斤合露之前五六沸令三分減一

絞去滓末雄黃麝香如大豆者內中攪和盡服之毒  
便從皮中出則愈忌蕪荑 出第二卷中

小品葛根橘皮湯療冬溫未即病至春被積寒所折不  
得發至夏得熱其春寒解冬溫毒始發出肌中斑爛隱  
癩如錦文壯熱而欬心悶嘔但吐清汁宜服此湯則靜  
方 大効

葛根 二兩  
橘皮 二兩  
杏仁 二兩 去尖皮  
麻黃 二兩 去節  
知母

二兩  
黃芩 二兩  
甘草 二兩 炙

右七味切以水七升煮取三升分溫三服嘔悶吐當  
先定便且消息 古今錄驗同出第六卷中

刪繁療肺腑藏熱暴氣斑點香豉湯方

香豉

一升 綿裹

葱鬚

切四兩

石膏

八兩

梔子仁

三兩

生薑

八兩 大青 二兩 升麻 三兩 芒硝 三兩

右八味切以水六升煮七味取二升五合去滓然後

下芒硝分三服 出第十卷中

備急療溫毒發斑赤斑者五死一生黑斑者十死一生

大疫難救黑奴丸方

麻黃

三兩去節

大黃

二兩

芒硝

一兩

黃芩

一兩

釜底墨

一兩研

竈尾墨

一兩研

屋梁上塵

二兩研

右七味搗末用蜜和如彈子大新汲水五合研一丸

服之若渴但與水須臾當寒寒訖便汗則解日移五

丈不覺更服一丸此療六日胸中常大熱口噤名壞

病醫所不療服此丸多差

胡洽小品同一名水解丸又一方加小麥黑勃一兩

名為麥奴丸范汪方同

古今錄驗黃連橘皮湯療冬溫未即病至春被積寒所折不得發至夏得熱其春寒解冬溫毒始發出肌中斑爛隱瘳如錦文而欬心悶嘔吐清汁眼赤口瘡下部亦生瘡已自得下痢宜服此方

黃連

四兩去毛 橘皮 二兩

杏仁

二兩去尖皮

枳實

一兩炙

麻黃

二兩去節 葛根

二兩厚 朴

一兩炙 甘草

一兩炙

右八味切以水八升煮取三升分三服令盡且消息

下當先止

又漏蘆橘皮湯療冬溫未即病至春被積寒所折不得發至夏熱其春寒解冬溫毒始發出肌中斑爛隱瘡如錦文而欬心悶嘔吐清汁眼赤口瘡下部亦生瘡方

漏蘆

橘皮

甘遂

麻黃

去節

杏仁

去皮尖

黃芩

各二兩

右六味切以水九升煮取三升分四服得下為佳下

後餘外證未除更服葛根橘皮湯方在前小品方

方一

有知母枳實白薇升麻大黃甘草為十二味出第三卷中

又發斑瘡方

黃連

切三兩  
去毛

右一味以水二升煮取八合頓服之忌猪肉冷水

溫病勞復方四首

病源溫病勞復謂病新差津液未復血氣尚虛因勞動  
早更生於熱熱氣還入經絡復成病也

又凡得溫毒病新差脾胃尚虛穀氣未復若食犬猪羊  
肉并腸血及肥魚炙脂膩必大下痢下痢則不可復救



又食餅餌炙鱠棗栗諸生果難消物則不能消化停積在於腸胃便脹滿結實大小便不通因更發熱復成病也非但雜食梳頭洗浴諸勞事等皆須慎之

如桃李生  
慈生菜海

藻菘菜雀肉等俱在所忌並出第十卷中

千金論曰凡熱病新差及大病之後食猪肉及腸血肥魚炙臠必大下痢醫所不能療也必至於死若食餅餌棗黍飴脯炙鱠棗栗諸果及堅實難消之物胃氣尚虛弱不能消化必更結熱適以藥下之則胃虛冷大利難

禁不下之必死下之復危皆難救也熱病及大病之後  
多坐此死不可不慎也病新差後但得食糜粥寧可少  
食令饑慎勿飽不得他有所食雖思之勿與引日轉久  
可漸食羊肉糜若羹汁雉兔鹿肉不可食猪狗肉也新  
差後當靜卧慎勿早起勿令人梳頭澡洗非但體勞亦  
不可多語言用心使意勞凡此皆令人勞復有人得病  
已差而未健詣華粵視脉曰雖差尚虛未復陽氣不足  
勿為勞事餘勞尚可御內則死臨死當吐舌數寸其妻

聞其夫病除從百餘里來省之止宿交接中間三日發  
病舌出數寸而死病新差未滿百日氣力未平復而以  
房室者略無不死及熱病房室名陰陽易之病皆難療  
多死 古今錄驗集驗同

又療重病新差早起勞及飲食多致復欲死方

燒鼈甲末服方寸匕忌莧菜

肘後集驗文仲倚急  
同出第十卷中

深師療温病差愈食復病麻黃散方

麻黃

十分

去節大黃

十五分

附子

一分

厚朴

二分

苦參

六分

分石膏六分碎烏頭六分  
綿裹炮

右七味搗篩以酒若米汁和服方寸匕日三夜二服  
出第十四卷中

古今錄驗療熱病復麻子湯吳正服効方

麻子一升豉一升牡鼠屎一十三枚

右三味以水五升煮取二升半分溫三服立愈試之

有神驗肘後同

又大黃丸方

大黃

一兩蒸之  
二斗米下巴豆

五十枚去  
心皮熬

硝石

三分熬無者  
以芒硝代之

桂心

二分  
乾薑  
二分炮

右五味搗篩四味別搗巴豆令如泥合和以蜜更搗  
二千杵丸如梧子一丸湯服之但熱在膈上當吐在  
膈下當利豫作粥如服他吐下丸法服藥兩食頃不  
吐下以熱飲動之若不得吐下可更服一丸半能藥  
壯人可二丸此藥優於他下藥丸故宜大小下多冷  
粥解之若有瘡綿挺如指蜜和一丸塗挺頭旦內瘡

中噤出之不差更作溫病不得大便服之得下佳宿  
食不消亦服之飛尸遁尸漿服半丸日一應須臾止  
心腹脹滿痛服一丸瘡者依發日先宿勿食清晨服  
一丸丁壯人服二丸得吐下忍飢過發時乃食婦人  
產後血結中奔走起上下或絕產無子或月經不調  
面目青黃服半丸小兒淋瀝寒熱臃脹大腹不欲食  
食不生肌三四歲者如麻子服一丸日一六七歲兒  
服二丸比三十日心腹諸病差兒小半之愈大良忌

野猪肉蘆筍生蔥 出第三卷中

諸黃方一十三首

病源黃病者一身盡疼發熱面色洞黃七八日後結熱在裏有血當下去之如狫肝狀其人小腹滿急若其人眼睛澀疼鼻骨疼兩膊及項強腰背急則是患黃大便澀但令得小便快則不慮死不用大便秘多多則心腹脹不好此由寒濕在表則熱畜於脾胃腠理不開瘀熱與宿穀相搏鬱蒸不得消則大小便不通故身體面目皆

變黃色凡黃候其寸口近掌無脉口鼻氣冷並不可療  
之必死 出第十二卷中

仲景傷寒論諸黃猪膏髮煎主之方

猪膏八兩亂髮大如雞子一枚

右二味內髮膏中煎之髮消盡研絞去膏細滓分二

服病從小便去也

肘後備急文仲千金古今錄驗深師范汪同云太醫校尉史脫家婢

再病胃中乾糞下便差神驗出第十四卷中

刪繁療天行毒熱通貫臧腑沈鼓骨髓之間或為黃疸



黑疸赤疸白疸穀疸馬黃等疾喘息須臾而絕瓜蒂散  
方

瓜蒂 二七枚  
赤小豆 三七枚  
秫米 二七粒

右三味搗篩為散取如大豆粒吹於兩鼻之中甚良  
不差間日復服之 千金范汪集驗同

又方

瓜蒂 二七枚

右一味以水一升煮取五合作一服

又方

鹽一升

右一味紙裹漬濕燒之取通赤內三升水中攪令調  
手中漉度為一服已前二方服訖並吐出黃汁

崔氏療黃貧家無藥者可依此方

取柳枝三大升以水一斗煮取濃汁搗半升一服  
令盡

又療黃兼主心腹方

蔓菁子 一大合揀令淨

右一味搗碎熟研以水一升更和研瀉取汁可得一大盞頓服之少頃自當轉利或亦自吐腹中便寬亦或得汗便愈

備急文仲深師同並出第一卷中

延年秘錄療黃瓜蒂湯方

瓜蒂 一兩  
赤小豆 四十枚  
丁香 二十七枚

右三味搗末以水一升煮取四合澄清分為兩度滴

入兩鼻中

出第十卷中

救急療三十六種黃方

取雞子一顆并殼燒作灰研酢一合又溫之搥和  
頓服身體眼暗極黃者不過三顆鼻中蟲出神効  
又療諸黃闇黃眼闇及大角赤黑黃先擲手足內黃患  
渴疸黃眼赤黃腎黃小便不通氣急心悶五色黃瓜蒂  
散方

丁香 瓜蒂 赤小豆 各十枚

右三味細擣篩取煖水一雞子許和服大神驗並出  
第十

七卷中廣濟同

必効療一切黃蔣九處得其父遠使得黃服此極効茵  
陳湯及丸方

茵陳 四兩 大黃 三兩 黃芩 三兩 梔子 三兩  
擘

右四味切以水五升煮取三升分為三服空肚服之  
不然搗篩蜜和為丸飲服二十九丸稍稍加至二十五  
丸量病與之重者作湯勝服丸日一服忌羊肉酒麪  
熱物等以差為限小便黃色及身黃者並主之

又療諸黃眼已黃亦差瓜蒂散方

丁香一分  
赤小豆一分  
瓜蒂一分  
方加秫米一分

右三味搗末溫水食前頓服使盡則當利并吐黃水  
不差更服 並出第一卷中

千金療黃疸大黃丸方

大黃二兩  
葶藶三兩

右二味搗篩為末蜜和為丸如梧子大未食服十九

日三服病差便止

又大黃丸方

大黃二兩 黃連三兩 黃芩 黃蘗各一兩 麴衣五合

右五味擣篩為末蜜和丸如梧子大食前服三九日  
三服不知可至五丸忌猪肉冷水 並出第十卷中

急黃方六首

病源脾胃有熱穀氣鬱蒸因為熱毒所加故卒然發黃  
心滿氣喘命在頃刻故云急黃也有得病即身體面目

發黃者有初不知是黃死後乃身面黃者其候得病但發熱心戰者是急黃也 並出第十二卷中

廣濟療急黃身如金色瓜蒂散方

赤小豆 二七枚 丁香 二七枚 黍米 二七枚 瓜蒂 二七枚 麝香

薰陸香 等分 青布 二方寸 燒為灰

右七味擣篩為散飲服一錢匕則下黃水其黃則定忌生冷熱麪粘食陳臭等 一方止三味出第一卷中必効療急黃疸内等黃大黃湯方



大黃

三兩切

芒硝

二兩

右二味以水二升生漬大黃一宿平旦絞汁一升半

內芒硝攪服須臾當快利差

出第一卷中

延年秘錄療急黃心下堅硬渴欲得水喫氣息喘麤眼黃但有一候相當即須宜服此瓜蒂散吐則差方

瓜蒂

二小合

赤小豆

二合

右二味搗篩為散年大人煖漿水五小合和散一服滿一方寸匕一炊久當吐不吐更服五分匕水亦減

之若輕病直吹鼻中兩黑豆粒大亦得當鼻中黃水  
出即歇并宜灸心厭骨下一寸名巨闕灸五七炷以  
來初小作炷在後漸大仍不得大如梧子

吐訖及灸了計即渴仍服麥門冬飲子方

麥門冬四兩 括蕪三兩 竹葉一升 茯苓四兩 升麻

二兩 生蘆根一升 甘草一兩

灸

右七味切以水七升煎取二升五合絞去滓分溫三  
服服別相去如人行八九里久服此飲渴即止

出第十卷

中

千金療急黃熱氣骨蒸兩目赤脉地黃汁湯方

生地黃汁八合 大黃六分 芒硝一兩

右三味合和一服五合日二服以利為度

近効療急黃方

取蔓菁子油一盞頓服之臨時無油則以蔓菁子  
搗取汁水和之喫亦得候顏色黃或精神急則是  
此病 韋給事試用之有効

黃疸方十三首

病源黃疸之病此由酒食過度藏腑不和水穀相并積於脾胃復為風濕所搏瘀結不散熱氣鬱蒸故食已如饑令身體面目爪甲及小便盡黃而欲安卧若身脉多赤多黑多青皆見者必寒熱身痛面色微黃齒垢黃爪甲上黃此黃疸也疸而渴者其病難療疸而不渴者其病可療發於陰部其人必嘔發於陽部其人振寒而發

熱出第十二卷中

仲景傷寒論黃痺麻黃醇酒湯主之方

麻黃一大把去節

右一味美清酒五升煮取二升半去滓頓服盡古今  
方云傷寒熱出表發黃疸宜汗之則愈冬月用酒春  
宜用水煮之良小品古今錄驗張文仲經心錄同

又黃疸茵陳蒿五苓散主之方

茵陳蒿末十分五苓散五分

右二味和先食白飲和方寸匕服之日三深師范汪同

又五苓散利小便治黃疸方

猪苓

三分  
去皮

白朮

三分

茯苓

三分

澤瀉

五分

桂心

二

分

右五味擣篩和合白飲和服一方寸匕日三多飲煖

水以助藥勢汗出便愈

千金深師范汪同並出第十  
四卷中

肘後療黃疸方

燒亂髮服一方寸匕日三秘驗酒飲並得

備急文  
仲同出

第一卷中

范汪療黃疸散方

取瓠子白瓢及子熬令黃擣為末服半錢七日一服十日愈用瓠子數數有吐者當先詳之

出第三十卷中

集驗療黃疸百藥不差者方

驢頭一枚煮熟以薑蘼噉之并隨多少飲汁

備急崔氏

張文仲古今錄驗同出第二卷中

千金療黃疸方

取生小麥苗擣絞取汁飲六七合晝夜三四飲三

四日便愈無小麥苗穰麥苗亦得范汪云用小麥

勝也

備急文仲集驗並同出第十卷中

千金翼療黃疸目黃不除瓜丁散方

瓜丁細末如大豆許內鼻中令病人深吸取入鼻  
中黃汁出

又黃蒸湯方

黃蒸 一升  
麥麩 一升  
猪屎 一升

右三味以水五升漬一宿煮取三升絞去滓頓服一



升覆取汗必効 同出第十八卷中

崔氏療黃疸年六十以上方

茅根 一把  
猪肉 一斤

右二味合作羹盡一服愈當灸臍上下兩邊各一寸  
半一百壯手魚際白肉側各一灸隨年壯備急范汪同

又療黃疸方

苦胡蘆瓢如大棗許

右一物以童子小便二合浸之三兩食頃取兩酸棗

許汁分內兩鼻孔中餘節候與上方同比來常用乃  
勝瓜蒂散

近効療黃疸瓜蒂散方

瓜蒂

二七枚

赤小豆

七枚

生秫米

二七枚

丁香

二七枚

右四味搗篩重者取如大豆二枚各著一枚鼻孔中  
痛縮鼻須臾鼻中瀝清黃水或從口中出升餘則愈  
病輕者如一小豆則可一與不盡間日復頻用効李  
暹用之立驗俗人或使人以竹筒極力吹鼻中無不

死者慎之

又療男子女人黃疸病醫療不愈身目悉黃食飲不消  
胃中脹熱生黃衣在胃中有乾屎使病爾方

以成煎猪脂一小升溫熱頓盡服之曰三燥屎下  
去乃愈 備急崔氏同

黃疸遍身方一十一首

廣濟療黃疸遍身面悉黃小便如濃梔子汁茵陳丸方

茵陳 四兩  
黃芩 三兩  
枳實 二兩  
大黃 三兩

右四味搗篩蜜丸空腹以米飲服如梧子二十九日  
二服漸加至二十五丸微利為度忌熱麵蒜蕎麥粘

食陳臭物

一方有升麻三兩出第一卷中

肘後療黃疸者一身面目悉黃如橘柚暴得熱外以冷  
迫之熱因留胃中生黃衣熱熏上所致方

猪脂 一升

右一味成煎者温令熱盡服之曰三燥屎當下則  
稍愈便止

與前近効方同備急崔氏同出第三卷中

小品療黃疸身目皆黃皮膚麴塵出三物茵陳蒿湯方

茵陳蒿 一把  
梔子 二十枚  
石膏 一斤  
千金方加大黃

三兩

右三味以水八升煮取二升半去滓以猛火燒石膏  
令正赤投湯中沸定取清汁適寒溫服一升自覆令  
汗出周身遍以溫粉粉之則愈若不汗更服一升汗  
出乃愈也 深師古今錄驗千金翼同出第四卷中

集驗療黃疸身體面目皆黃大黃散方

大黃 四兩 黃連 四兩 黃芩 四兩

右三味擣篩為散先食服方寸匕日三服亦可為丸

服備急文仲千金同出第二卷中

刪繁療黃疸者通身並黃茵陳湯方

茵陳 四兩 柴胡 四兩 升麻 三兩 龍膽草 二兩 黃芩

大黃 各三兩

右六味切以水九升煮取三升分三服若身體羸去

大黃加梔子仁五六兩生地黃切一升 古今錄驗千金同出第十

卷中

千金翼論曰凡遇天行熱病多必內瘀著黃但用瓜丁散內鼻中令黃汁出乃愈即於後不復恐病黃矣常須用心警候病人四肢身面微似有黃氣則須用瓜丁散不得令散漫失候必大危矣特忌酒麪犯者死

又凡人無故忽然振寒便發黃皮膚黃麴塵出小便赤少大便時閉氣力無異食飲不妨已服諸湯餘熱不除久黃者苦參散方

苦參 一兩 黃連 一兩 葶藶子 熬 瓜蒂 黃芩 黃

藥 大黃 各一兩

右七味擣為散飲服方寸匕當大吐者日一服不吐  
日二亦得下服藥五日知可消息不知更服忌猪肉  
冷水 古今錄驗千金小品同出第十八卷中

崔氏療黃疸身體面目盡黃茵陳湯太醫校尉史脫方

茵陳蒿 三兩 黃連 二兩 黃芩 三兩 梔子 十四枚 大黃

一兩 甘草 一兩 人參 一兩



右七味切以水一斗煮取三升分三服千金同出第一卷中

延年秘錄梔子湯療遍身黃如橘心肋滿急方

梔子仁 四兩 黃芩 三兩 柴胡 四兩 升麻 三兩 龍膽

草 三兩 大黃 三兩 括萎 三兩 芒硝 二兩

右八味切以水九升煮取二升八合去滓分溫三服

相去四五里進一服出第十卷中

必効黃疸身眼皆如金色但諸黃皆主之方

取東引桃根細切如筋若釵股以下者一握取時

勿令見風及婦人并雞犬等見之以水一大升煎  
取搗一小升適寒溫空腹頓服服後三五日其黃  
離離如薄雲散唯眼最後差百日方平復身黃散  
後可時時飲一盞清酒則眼中易散不則散遲忌  
食麪猪魚等肉此方是徐之才家秘方其侄珍惠  
說密用 出第一卷中

近効療發黃身面眼悉黃如金色小便濃如煮黃蘗汁  
者衆醫不能療良驗茵陳湯方

茵陳四兩 黃芩二兩 梔子三兩 升麻三兩 大黃三

兩 龍膽草二兩 枳實二兩 柴胡四兩

右八味切以水八升煮取二升七分溫三服若身  
絕羸加生地黃一升梔子加至七兩去大黃如氣力  
不羸依前著大黃取驗忌如法不差更作以差為限  
不過三四劑差隔三五日一劑

經心錄同李暉處得此方神良

### 瘡黃方三首

病源陽氣伏陰氣盛熱毒加之故但身面色黃頭痛而

不發熱名為癰黃也 出第十二卷中

廣濟療癰黃身面眼俱黃小便如豉汁色茵陳散方

茵陳 四兩 白鮮皮 三分 括萎 四分 黃芩 三分 梔子

四分 芍藥 三分 青木香 三分 柴胡 三分 枳實 三分

炙

黃連 三分 紫雪 八分 土瓜根 三分 大青 三分 大黃

十分

右十四味搗篩為散煮茅根飲待冷平旦空腹以茅根飲服五錢匕一服少間當一兩行微利利後煮稀

葱豉粥食之利多以意漸減常取微洩利通一兩行  
為度差止忌猪肉冷水魚蒜粘膩及諸熱食

出第一卷中

必効療癰黃眼睛黃汗染衣涕唾黃方

好黃蒸

二大升

右一味每夜以水二大升浸煨煖令熱勿令沸銅器  
中平旦絞取汁半升飲之餘汁須臾則飲冬日微煖  
服夏冷飲每夜則浸依前服之亦得每夜小便中浸  
白帛片取色退為驗兩方並極効忌麪羊肉猪魚

又療癰黃汗染衣涕唾黃者方

取蔓菁子搗細末平旦以井花水和一大匙服之  
日再漸加至兩匙以知為度每夜小便裏浸少許  
帛各書記日色漸退白則差不過服五升以來必  
差李潤州傳極効備急肘後張文仲深師同出第一卷中  
黃疸小便不利及腹滿喘方二首

仲景傷寒論黃家腹滿小便不利而赤身汗出者表和  
裏實也宜下之大黃黃蘗皮梔子消石湯方

大黃 四分 黃蘗 四兩 梔子 十五枚 消石 四兩

右四味切以水六升煮三物得二升半去滓內消石

更煎取一升先食頓服盡

小品千金翼深師范汪並同

又黃疸小便色不變欲自利腹滿而喘者不可除其熱  
熱除必噦噦者小半夏湯主之方

半夏 五兩 生薑 八兩

右二味以水六升煮取一升半去滓分溫三服忌羊

肉餒 范汪同並出第十四卷中

黃汗方三首

病源黃汗之為病身體洪腫發熱汗出而渴狀如風水汗染衣色正黃如藥汁其脉自沉此由脾胃有熱汗出而入水中若浴水入汗孔得之

出第十二卷中

仲景傷寒論師曰黃汗為病身體腫發熱汗出而渴狀如風水汗沾衣色正黃如藥汁脉自沉也問曰從何得之師曰以汗出水入汗孔水從外入而得之宜黃耆芍藥桂心酒湯主之方



黃耆 五兩 芍藥 三兩 桂心 三兩

右三味切以苦酒一升水七升和煮取三升去滓溫服一升正當心煩也至六七日稍稍自除其心煩不止者以苦酒阻故也

阻一作沮

一方用美清醯代酒忌生

葱 備急張文仲千金古今錄驗深師范汪經心錄同

又凡黃汗之病兩脛自冷假令發熱此屬歷節食已則汗出又身常夜卧盜汗出者此勞氣也若汗出即發熱者久久身必甲錯也發熱不止者必生惡瘡也若身重

汗出已輒輕者久久必身濶濶則胸中痛又從腰以上  
必汗出下無汗腰髁弛痛如蟲在皮中狀劇者不能食  
身疼重煩躁小便不利者名曰黃汗桂枝湯加黃耆五  
兩主之方

桂心 三兩  
芍藥 三兩  
甘草 三兩  
炙 生薑 三兩  
大棗 二十

枚 黃芪 五兩

右六味切以水八升微火煎取三升去滓溫服一升  
覆取微汗須臾間不汗者食稀熱粥一升餘以助湯

力若不汗者更服湯也忌海藻菘菜生葱  
古今錄驗  
范汪同出

第十四卷中

療黃疸身腫發熱汗出而渴狀如風水汗出著衣皆黃  
黃汗吳藍湯方

吳藍六分芍藥 麥門冬去心 桑白皮 漢防已

白鮮皮 山梔子各六分

右七味各細切以水二升煎取八合去滓空腹分二  
服未効再合服 此方未詳所出

女勞疸方四首

病源女勞疸之狀身目皆黃發熱惡寒少腹滿急小便  
難因大勞大熱而房室房室畢入水所致也

出第十二卷中

仲景傷寒論黃家曰晡發熱而反惡寒此為女勞得之  
膀胱急小腹滿身體盡黃額上反黑足下熱因作黑瘰  
大便必黑腹臃脹滿如水狀大便黑溏者此女勞之病  
非水也腹滿者難療消石礬石散主之方

消石 熬黃礬石 燒令汁盡

右二味等分擣絹篩以大麥粥汁和服方寸匕日三  
重衣覆取汗病隨大小便去小便正黃大便正黑也  
大麥則須是無皮麥者千金方云消石二分熬令燥  
礬石一分熬令燥故注之

肘後小品崔氏文仲千金  
范汪深師並同出第十四

卷中

千金翼療黃疸之為病日晡所發熱惡寒小腹急體黃  
額黑大便黑溏泄足下熱此為女勞也腹滿者難療方

滑石

五兩  
研

石膏

五兩  
研

右二味為散以大麥粥汁服方寸七日三小便極利

則差

小品千金備急文仲並同出第十八卷中

近効女勞疸黃家日晡發熱而反惡寒此為女勞得之  
膀胱急小腹滿身體盡黃額上反黑足下熱因作黑疸  
其大便必黑腹臙脹滿如水狀大便黑溏此女勞之病  
非水也療與黑疸同穀疸食則眩心忪怫鬱不安久久  
發黃為穀疸並以前茵陳湯主之方在遍身黃部中  
必効女勞之黃氣短聲沉者宜服此方

取婦女月經布和血衣燒作灰以酒空腹服方寸  
匕日再服不過三日必差

黑疸方三首

病源黑疸之狀苦小腹滿身體盡黃額上反黑足下熱  
大便黑是也夫黃疸酒疸女勞疸久久變成黑疸

出第十二

卷中

肘後療黃疸變成黑疸者多死急治之方

取土瓜根汁服一小升平旦服至食時病從小便

去則愈不忌先須量病人氣力不得多服力衰則

起不得

千金并翼文仲集驗崔氏刪繁范汪並同出第一卷中

深師療黑疸身體及大便正黑赤小豆茯苓湯方

赤小豆

三十枚

茯苓

六銖

瓜蒂

四銖

雄黃

二銖

甘草

半兩

女萎

四銖

右六味切以水三升煮小豆茯苓取八合汁擣後四

藥為散取前汁調半錢匕適寒溫服之須臾當吐吐

則愈一方云療久黃疸忌大醋海藻松菜

千金方名赤苓散千



金翼同出第二十卷中

千金翼茵陳丸主黑疸身體闇黑小便澀體重方

茯苓四分 茵陳一兩 枳實五分 白朮五分 半夏三

炒黃

洗甘遂一分 杏仁三分去尖皮 蜀椒二升 當歸二分 葶

藶子四分熬 大黃三分熬 乾薑四分

勿令焦

右十二味搗篩蜜和丸如梧子空肚飲服三九日三

服忌羊肉錫酢桃李雀肉等 出第十八卷中

酒疸方七首

病源夫虛勞之人若飲酒多進穀少者則胃内生熱因  
大醉當風入水則身目發黃心中懊痛足脛滿小便黃  
面發赤斑若下之久久變為黑疸目青面黑心中如噉  
蒜齏狀大便正黑皮膚爪之不仁其脉浮弱故知之酒  
疸心中熱欲嘔者當吐之即愈小便不利其候當心中  
熱足下熱是其證明也若腹滿欲吐鼻燥其脉浮者先  
吐之沉弦者先下之

出第十二卷中

仲景傷寒論酒瘴者心中懊懷或熱痛梔子枳實豉大

黃湯主之方

梔子 七枚  
枳實 五枚  
香豉 一升  
大黃 一兩

右四味切以水六升煮取二升去滓溫服七合日三服  
肘後千金同出第十四卷中

肘後療酒疸者心中懊痛足脛滿小便黃飲酒面發赤  
斑黃黑由大醉當風入水所致黃耆散方

黃芪 二兩  
木蘭皮 一兩

右二味為散酒服方寸匕日三  
備急文仲同

深師酒疸艾湯方

生艾葉

一把

麻黃

二兩  
去節

大黃

六分

大豆

一升

右四味切清酒五升煮取二升分為三服

出第三十卷中

千金茵陳湯主黃疸酒疸酒癖身體面目盡黃方太醫

校尉史脫處

茵陳

三兩

大黃

二兩  
用一兩

梔子

二十七枚

黃芩

三兩  
方用一

兩  
人參

半兩  
用一兩

黃連

二兩  
用一兩

甘草

一兩

炙

一兩

右七味切以水一斗煮取三升分為三服忌豬肉冷

水海藻菘菜

文仲范汪同

又夫人病疸者或無熱靜言了了腹滿欲吐酒疸心中熱欲嘔吐之即愈方

取千金翼苦參散吐良在上通身黃部中七味者是也

又肉疸飲少小便多白如泔色得之從酒寒水石散方

寒水石 五分  
白石脂 五分  
栝萋 五分  
菟絲子 三分  
酒漬

知母 三分  
桂心 三分

右六味搗篩麥粥服五分七日三服五日知忌生葱  
古今錄驗深師等並同

古今錄驗療酒癖及飲黃疸散方

芫花 椒目 各等分

右二味搗下篩為散平旦服一錢匕老少半服之藥  
攻兩脅則下便愈間一日復服使小減如前又與之  
使盡根源 深師同出第二十七卷中

穀疸方三首

病源穀疸之狀食畢頭眩心忪怫鬱不安而發黃由失  
饑大食胃氣衝熏所致陽明病脉遲食難用飽飽則發  
煩頭眩者必小便難此欲為穀疸雖下之其腹必滿以  
其脉遲故也

出第十二卷中

范汪療穀疸茵陳湯方

茵陳四兩切以水一斗煮取六升以汁煎大黃二  
兩梔子七枚得二升分為三服黃從小便去病出  
立愈

肘後同出第十四卷中

集驗療勞疸穀疸丸方

苦參 三兩  
龍膽草 一兩

右二味下篩牛膽汁和丸先食以麥粥飲服如梧子  
大五丸日三不知稍增 千金同出第二卷中

刪繁療勞疸穀疸苦參丸方 勞疸者因勞為名也穀疸者因食而勞故曰穀疸

苦參 三兩  
龍膽草 二兩  
梔子仁 三七枚

右三味搗篩為散若病甚取猪膽和為丸如梧子大  
一服五丸日三四服以飲汁下之



許仁則療諸黃方七首

許仁則療急黃病此病始得與前天行病不多異五六

日但加身體黃甚者洩

音夷鼻液也下同

淚汗唾小便如蘗色

眼白睛正黃其更重狀與天行病候最重者無別如至此因自須依前救天行最重半夏等分十味湯救之若未至是者宜依後法急黃狀始得大類天行病經三兩日宜合麻黃等五味湯服之發汗以洩黃勢方

麻黃

三兩去節

乾葛

五兩

石膏

八兩

生薑

六兩

茵陳

二兩

右藥切以水八升煮取二升七合去滓分溫三服服相去十里久服訖當欲汗則覆被微取汗以散之

又依前麻黃等五味湯服之取汗汗出後未歇經三五日又合梔子等五味湯以取利方

梔子二十枚 柴胡三兩 黃芩三兩 茵陳三兩 芒硝六兩

右藥切以水八升煮四味取二升六合去滓內芒硝攪令消分溫三服如人行十里久更服之効

又依前梔子等五味湯服之取利利後病勢不歇經六

七日又合秦艽牛乳二味湯服之方

秦艽 六兩  
牛乳 二升

右藥切秦艽以牛乳煮之可三分減一去滓帶煖頓

服令盡極驗

文仲必効同西域法也

又依前秦艽等二味湯藥服後不覺病退漸加困篤勢如前天行最重狀則不可更服諸冷物冷物在心唯是瘡速宜同前天行用半夏等十味湯以救之亦可合瓜蒂等三味散吹鼻孔中并與之服方

瓜蒂 七枚  
丁香 七枚  
赤小豆 七枚

右藥擣篩末取如大豆分吹兩鼻孔中須臾當出黃水正如煮藥汁及出黃蟲亦可以新汲水和一方寸匕與患人服或利或吐利所出亦如煮黃藥汁天行用此療亦與崔氏同

又論云此病俗間亦有單煮瓜蒂汁灌鼻孔中者亦有單服生麻油者

又療黃疸病此病與前急黃不同自外狀與平常無別

但舉體正黃甚者眼色如藥涕涎淡小便及汗悉如藥  
汁食消多於尋常稍覺瘦悴乏力此病不甚殺人亦有  
經年累歲不療而差者此由飲酒多亦是積虛熱所致  
黃疸初得稍覺心中煩熱滿身黃色眼白睛黃覺如此  
者宜合白鮮皮等七味湯以洩之黃連十味丸以壓之  
白鮮皮 三兩 乾葛 五兩 黃芩 三兩 鬱金 三兩 豉 五兩  
梔子 十枚 芒硝 六兩

右藥切以水八升煮取二升半去滓內芒硝分溫三

服服相去如人行二十里久更服此湯當得利利後將息一二日則合後黃連等十味丸服之

又黃連丸方

黃連 五兩 黃芩 五兩 苦參 六兩 沙參 五兩 乾地黄

六兩 乾葛 六兩 梔子仁 三兩 麥門冬 一升 地骨白

皮 五兩 茯苓 五兩

右十味搗篩為末蜜和為丸以米飲下初服十九日三服稍稍加至三十九丸如梧子大黃疸亦有單服猪

脂得差者忌猪肉冷水大酢蕪荑等物 吳昇同

雜黃疸方三首

千金濕疸之為病始得之一身盡疼發熱面色黃黑七八日後壯熱熱在裏有血當下去之如狫肝狀其小腹滿者急下之亦一身盡黃目黃腹滿小便不利礬石散方

礬石 五兩  
滑石 五兩

右二味為散大麥粥汁服方寸匕日三服當先食服

便利如血者當汗出差

深師古今錄驗並同出第十卷中

古今錄驗九疸秦王散方

胃痺食多喜飲 梔子仁主之

心痺煩心心中熱 葛根主之

腎痺其人唇乾 葶藶子主之

脾痺溺赤出少心惕惕若恐 括萋主之

肺痺飲少小便多 秦椒汗瓜蒂主之一云膏疸

舌痺渴而數便 石鍾乳主之



肉痺其人小便白 凝水石主之

髓痺目眵深多嗜卧 牡蠣澤瀉主之

肝痺胃熱飲多水激肝 白朮主之


右十一味名秦王散各等分隨病所在加二分擣合  
下篩飲服五分匕日三稍加至方寸匕忌桃李雀肉  
等

膏痺飲少小便多秦椒散方

秦椒一分  
瓜蒂二分

右二味擣下篩水服方寸匕日三服

深師千金同出  
第二十七卷中



外臺秘要方卷四